

Է. Մելիքան-Բեկ

ԶՈՐՐՈՐԴ ՀԱՅԲԻ 774 - 775 թ.թ. ԳՅՈՒՂԱՑԻԱԿԱՆ ԱՊՍԱՄԲՈՒԹՅԱՆ
ՊԱՏՄՈՒԹՅԱՆ ՇՈՒՐՋԸ¹

Հայաստանի բաժանումը Մեծ և Փոքր Հայքի՝ համապատասխան նա-
հանգներով և դավառներով այնպես, ինչպես այն պատկերացրած է VII դա-
րի անանուն հեղինակի (Անանիա Շիրակացու) «Աշխարհացույց»-ի մեջ,
անկասկած, արացություն է Հայաստանի ոեալ իրականությունը ոչ թե նույն
VII դարի, այլ ավելի հին ժամանակաշրջանի՝ terminus a quo I դ. մեր
թվ. առաջ և terminus ad quem VI դ. մեր թվ. հետո:

Այս բաժանումը, ինչպես հայտնի է, ներկայացնում է Մեծ Հայքն
իրեն 15 նահանգից բաղկացած մի երկիր, որոնց թվում հիշվում է «երկ-
րորդ աշխարհ» Զորրորդ Հայքը՝

Սակայն այդ Զորրորդ Հայքը, իբրև Մոփաց աշխարհի լոկ մի դա-
վառ, երբեմն Մեծ Հայքի մեջ էր մանում և երբեմն Փոքր Հայքի մեջ:

Իսկ Փոքր Հայքը անտիկ դարերի և ոչ միջին դարերի ըմբռնումով
(երբ նրա ներքո կիլիկիան էր հասկացվում) երկար ժամանակ մանում էր
նախ՝ մինչև IV—V դ.դ. Արևելյան Հռոմեական կայսրության մեջ, իսկ
հետո՝ V դ. սկսած՝ Բյուզանդիայի սահմաններում: Եվ այդ՝ Փոքր Հայքի՝
4 դավառի ստորաբաժանումը հեռանք էր, ինչպես հայտնի է, Հուստի-
նիանոս I կայսեր վարչական ռեֆորմի, որն իր արահայաությունն է գահի
XXXI նովեմբրյան «De dispositione quattuor administrationum Armeniae»
536 թ. 17 ապրիլյան կալենդի, այսինքն՝ 18 մարտի, թվահամարով:²

Զնայած, սակայն, այսպիսի անվիճելի ճշմարտության, Մովսես Խո-
րենացին իր «Պատմություն Հայոց»-ի մեջ (I, 14) Փոքր Հայքի 4 դավառի
ստորաբաժանումը առասպելական Արամին³ է վերադրում:

«Բայց հրաման աայ բնակչաց աշխարհին՝ ուսանել զխօսս և զլեզու
հայկական. վասն որոյ մինչև ցայսօր ժամանակի անուանեն Յոյնք զկղի-
մայն զայն Պոռաին Արմենիան, որ թարգմանի Առաջին Հայք: Եւ զգաստա-
կերան, զոր շինեաց յանուն իւր Մշակ կողմնապեան Արամայ, փոքրագու-
նիւք պարսպեալ որմովք, անուանէին հինք աշխարհին Մաժաք, որպէս ոչ

¹ Զեկուցված է Քրիստի Սաւրիի անվան պետական համալսարանի Հայկաբանու-
թյան տնօրէնի Նիսան, 1947 թ. փետրվարի 11-ին:

² Н. Адонц. Армения в эпоху Юстиниана. СПб. 1908, стр. 166—177, մանավանդ
165—171: Corpus juris civilis, editio stereotypa quarta, volumen tertium. Novellae
recognovit Rudolfus S. hoell. Berolini 1912, p. p. 236—239.

³ Արամը, ինչպես այժմ պարզված է, սրբաբանական թագավոր էր ժամանակակից
Ասորիստանի Սալմանա-ար III թագավորի (880—835), որը հիշատակված է ասորիստանյան
աւրեգրութուններում 880, 888 և 816 թ. թ. (Ե. Բ. Пнотровский. История и культура
Урарту, Ереван, 1944, стр. 36, 338).

կտրելով ուղղախօսելու միջև յետոյ յոմանց ընդարձակագոյն շինեալ անուանեցաւ Կեսարիա: Ըստ նմին օրինակի ի անդեացն այնոցիկ մինչև ցբուն իւր սահմանսն, զբազում անբնակ երկիր ելից բնակչօք, որք Երկրորդ և Երրորդ անուանեցան Հայք, այլ և Չորրորդ: Այս է առաջին և ճշմարիտ պատճառն վասն անուանելոյ զարևմտեան մեր կողմն Առաջին և Երկրորդ, այլ և Երրորդ և Չորրորդ Հայք:

«Խորենացու մոտ պահպանված ավանդութիւնը, որ հայոց սահմանները նվաճումների շնորհիվ տարածվել էին մինչ Պոնտական հողերը և մինչ Մաթաք-Կեսարիա և որ ամբողջ այդ տարածութեան մեջ հայերեն էին խոսում, ըստ էութեան, — ինչպես իրավացիորեն նշել էր Ն. Աղոնցը, — արձագանքներ են իրերի զրութեանը Հուստինիանոսի էպիսոպի, և ոչ թե հեռավոր ժամանակների մինչ Արամ, ինչպես պատմիչն է պատկերացնում: Սա պարզ է այնտեղից, որ հիշյալ հողերի նվաճման կապակցութեամբ Խորենացին հիշում է հայկական հողերի բաժանումը I, II, III և IV Հայքի, բայց համառորեն վերադրում է այն Արամի առասպելական ժամանակներին, չվստահելով այն լուրերին, որ պատում էին կայսրութեան մասունքն Հայաստանի նշյալ բաժանման իսկական ծագման մասին»¹

Ի դեպ, Հուստինիանոսի հիշյալ XXXI նովելլան պարունակում է տեղեկութիւններ նրա մասին, թե թր հողերից կազմվեց, այսպես կոչված, IV Հայքը Պոնտական դիոցեզի 4 թեմերի կազմի մեջ, որոնք ընդգրկում էին, ի միջի այլոց, և սատրապիաները²:

«Կազմակերպում ենք եւ Չորրորդ Հայքը (τετάρτην Ἀρμενίαν), որը մինչ այժմ զուրկ էր գաղառական կազմակերպութեանից: Բնակված լինելով այլ և այլ ժողովուրդներով, այն հայտնի էր այլ և այլ՝ յեզ համար օտար՝ հարջուրջուռներով — Մոփանենե (Τροφαιήνη) Անձիտենե (Ἀνζιτηνή) Մոփանե (Τροφανή), Աստիանենե (Ἀστειανήνη), Բալավիտենե (Βαλαβιτηνή) — և սատրապների իշխանութեան ներքո էր գտնվում: Վարչապետական այս հորջորջումները հոռոմայեցիներից չէր բխում և ոչ էլ մեր նախորդներից, այլ մտցրած էր այլ պետութեան կողմից: Այս իսկ երկրում մենք մտցնում ենք քաղաքացիական կարգ, նշանակելով այնտեղ քաղաքացիական վարչապետ և տալիս ենք Մարտիրոսաց քաղաքը (Μαρτυροπολίτην) և Կիթարիս բիրդը (Κιθαρισόν): Այն վերաբերում է օրդինար գաղառների շարքին, քանի որ այն մենք դարձրինք կոնսուլական»³:

Այսպիսով, ինչպես նշում է Ն. Աղոնցը, «Չորրորդ Հայքին անցան հինգ ինքնավար իշխանութիւնների հողերը. Մոփանենեի, Անձիտենեի, Մոփենեի, Աշտիանենեի և Բալավիտենեի գաղառները կազմեցին միասին մի գաղառ Մարտիրոսպոլիս մայրաքաղաքով»⁴: Բսկ Մարտիրոսպոլիսը կամ Մարտիրոսաց քաղաքը, ինչպես պարզված է, դա՝ Տիգրան II-ի ժամա-

¹ Մովսիս Խորենացու, Պատմութիւն Հայոց, աշխատութեամբ Մ. Աբեղեանի և Ս. Թարութիւնեանի (Գաղափարաց Հայոց) II, 1], Տփղ. 1913, էջ 46—47:

² H. Adon, op. cit., 203.

³ Karl Gueterbock, Römisch-Armenien und die römischen Satrapien im 4. bis 6. Jahrhundert, Königsberg 1900.

⁴ H. Adon, op. cit., 168.

⁵ Նույն տեղում, 179.

նականների Հայաստանի մայրաքաղաքն է, նույն Տիգրանակերտը. հետագայում Մայաֆարկին—Ֆարկին—Գիարբեքերը¹

Ընդհանրապես նովելլան ընդգծում է, որ այն հողերը, որոնցից Չորրորդ Հայքը կազմվեց, մինչ 536 թ. դուրս էին գտնվում կազմակերպությանից և՛ բնակված լինելով այլ և այլ ժողովուրդներով՝ հայտնի էին այլ և այլ հորջորջումներով և գտնվում էին օտարապետների իշխանության ներքո. իսկ վարչապետական այսպիսի հորջորջումը ո՛չ հռոմայեցիների և ոչ էլ նրանց նախորդների, այսինքն՝ հելլենների կողմից էր մտցված, այլ ավելի առաջ, հետևապես, պարզ է, պարսիկների կողմից:

Հուստինիանոս II կայսեր XXXI նովելլայում նշած վարչական առֆորմի հեռավոր արձագանքը մենք գտնում ենք, ի միջի այլոց, Հովհաննես Դրասխանակերտցու Պատմության մեջ հետևյալ կտրուկով. «Ի Մոփաց մինչև ցքաղաքն Մարտիրոսաց և յաշխարհն Աղձնևաց արևմտեայ Չորրորդ Հայք»²

Իսկ սույն կտրուկի գրեթե բառացի կրկնությունը առիթ է ստիք թղթոց-ի այն վարիանտը, որ մեզ հասել է Վրաստանի պետ. թանգարանի Armenica հավաքածուի № 21 (— 1558) ձեռագրում՝ 1318 թ., ուր կարգում ենք. «Ի Մոփաց աշխարհէ] մինչև ցքաղաքն Մարտիրոսաց յԱղձնիս արևմըաեայ Չորրորդ Հայք»³

Այն գրությունը Հայաստանում, որ եղել է Հուստինիանոս II կայսեր օրոք, որոշ չափով արտացոլում է հիշյալ Հովհ. Դրասխանակերտցին, երբ խոսում է Մորիկ կայսեր միջոցառումների մասին Հայաստանում վարչական նոր բաժանումներ կիրառելու ուղղությամբ. «Ապա կայսեր Մորկայ ձեռնորիցութեամբ իմն փոփոխումն արարեալ անուանց աշխարհացն այնոցիկ, որ ի մերոյն Արամայ կարգաւ եղեալ էր... և Չորրորդ կոչեցեալ Հայք» յորում մայրաքաղաք է Մարտիրոսաց պոլիս, այսինքն՝ Նփրկերա, Յուստինուսիստ, զնա գրէ ի դիւան արքունիս»⁴

Գեորգ Կյուպրացին իր «Descriptio orbis Romani» երկի մեջ Չորրորդ Հայքը VI գարում ներկայացնում է այսպիսի թեմերով.

«Επαρχία Δ' Ἀρμενίας ἁλλης»
Δαδύμων νῶν μητρόπολις
Ἀρσαμουσατων
πολιχνη Χοσανων
Χοσομαχων
Κιθαρύζων
καστρον Μερτικέρτον
καστρον Βαιουλοβος

¹ Հ. Մանանդյան Տիգրան Բ և Համբ, նոր լուսարանությունը ըստ սկզբնաղբյուրների, Երևան, 1910, էջ 64—68. Նույնի՝ Քննական առարկայում հայ ժողովրդի պատմության հոփոր Ա. Սկզբից մինչև Արչակունիների հասնումը Հայաստանում (66 թ. մ. հ.), Երևան, 1944, էջ 170—171, և այլուր:

² Հովհաննես Դրասխանակերտցու Պատմության Հայոց, Թիֆլիս, 1916, էջ 18:

³ Л. Меликсет-Бек. Новый вариант армянской «Книги посланий» и ученик Петра Ивера Иоани Майумский, վրացերեն, առաջին անգամից «Вестник Гос. Музея Грузии» XI В, 1941, էջ 48:

⁴ Հովհ. Դրասխանակերտցի, էջ 66:

κάστρον Παλιός
 κάστρον Ἀρδων
 κλίμα Σοφίνης.¹

Սույն երկի մեջ Մ. Խորենացու հիշված «կղիմա»-ների հետեյալ ցուցակն է ներկայացված.

κλίμα Ἀνζητινής
 κλίμα Διγησινής
 κλίμα Γαρινής
 κλίμα Βιλαβητινής
 (*κλίμα Παλινής)
 κλίμα Ὀρζιανινής
 κλίμα Ἀστιανικής
 κλίμα Μουζουρων.²

Չորրորդ Հայքն իր ստորաբաժանումներով հիշված է և VII դարի հայոց «Աշխարհացույց»-ի մեջ, որը Մ. Խորենացուն էր վերադրվում, մինչդեռ այն Անանիա Շիրակացու գործն է.³

Ահա այս «Աշխարհացույց»-ի համառոտ խմբագրության մեջ Չորրորդ Հայքն իր ստորաբաժանումներով ներկայացրած է այսպես. «Չորրորդ Հայք յերի կայ Բարձր Հայոց. և գաւառք են ի նմա ութ. Խորձեան, Հաշտեանք, Պաղնատուն, Բազանովիտն, Մոփք, Անձիթք, Կորիք, Կեզիք: Եւ ունի Չորրորդ Հայք բերդս և դէտ և յիրինս և բիւրեղ: Ունի և երիս և հաւս, և ձկունս, և ի գաղսնաց գառււծ».⁴

Նույն Չորրորդ Հայքը «Աշխարհացույց»-ի բնդարձակ խմբագրության մեջ ներկայացրած է այսպես. «Աշխարհ Հայոց. Չորրորդ Հայք, որ է Մոփաց կողմն, յերի բարձր Հայոց, Մեկտինէ քաղաքաւ սահմանի ըսա մտից, և ըսա հարաւոյ՝ Միջագետովք, և ըստ ելից Տարօնով: Ունի գաւառս ութ. զԽորձայն՝ յելից հիւսիսոյ, ընդ որ իջանէ միւս Գայլ գետ առ Կողորբերդովն. զՀաշտէնս, յորմէ քղիւն աղբիւրք Տիգրիս գետոյ. իսկ ի մտից Խորձայնոյ՝ է Պաղնատուն գաւառ, հանդէպ հոմանուն բերդով. և հանդէպ նորա ի հարաւ Բալախովիտ գաւառ. և ի մտից նոցա Մոփք, և Անձիթ գաւառ ի հարաւ, յորում Մովք է Հոռէ բերդ. և ի մտից նոցա Դէղիկ գաւառ, յորում բերդք Կոնի և Դրւիկ և Սոկ, որոց հանդէպ ի հարաւ է Գաւրէզ գաւառ, ընդ որս եկեալ Արածանի խառնի յնփրատ ի քաղաքն Լուսաթառիճ, և երթալով զմտիք՝ ելանէ ի սահմանս Փոքր Հայոց, յելից Մեկ-

¹ H. Gelzer. Georgii Cyprii Descriptio orbis Romani [Bibliotheca Teubneriana]. Lipsiae 1890, p. p. 49—49: Մենք. զմբխաւարաւ. ձեռքի առկ ըն. ներինք նորագույն հրաւարակութունք. Le Synecdemus d'Hieroklès et l'opuscule géographique de Georges de Chypre, texte, introduction, commentaire par Ernest Honigmann, préface de F. Cumont [Corpus Bruxellense Historiae Byzantinae]. 1939 p.

² Ibid., p. 49.

³ Սրա գեմ աես. Я. А. Мананзян. Когда и кем была составлена «Армянская география», при чем и вая. мая Мунсею Хоренскому. «Византийский Временник», т. I (XXVI), М. 1947, с. 17—143.

⁴ Պրոֆ. Գ. Բ. Արքունյան. Անանիա Շիրակացու Մասնագրութունք, Երևան, 1916, էջ 860.

տին է, և ապա խառնի ի նա կապան, զալով ի մտից կուս է ի լեռնէն, որ կոչի Զիզոն Վասիթէոն, և նախ քան զանգանել նորա յեփրատ՝ խառնի ի նա զեան Կառամինոն, որ զայ ի Տորոս լեռն է և ընկալեալ յեփրատ զնայ ընդ հարաւ, հատան է զլեռն Տորոս, յորում տեղւոյ զառնի քէն բիւրեղ. և ունի Զորրորդ Հայք էրէս և հաւս և ի դազանաց գառիւծն¹։

Զորրորդ Հայքի հիշատակութիւնն առկա է ի միջի ալոց, և Սաեփանոս Սյունեցու (VIII դ.) Դիոնեսիոս Թրակացու «Արուեստ քերականի»-ի մեկնութեան մեջ, որտեղ ժամանակի հայ բարբառների ցուցակն է ներկայացրած. «Եւ զարձեալ զքո լեզուիդ դիտիլն զբովանդակ զբառն զհզերականս, որպէս սկուճայն և զՏայեցին և զՔութայինն և զԶորրորդ Հայեցին և զՍպերային և զՍիւնին և զԱրցախայինն. այլ միմիայն զմիջերկրեայնն և զոստանիկսն, վասն զի պիտանիք այսոքիկ էնն²։ Ուրիշ խոսքով ասած, այստեղ հիշված է ութ բարբառ, որոնց ցուցակը այլ դասավորութեամբ, այսինքն՝ արեւելք-հարավ-արեւմուտք ուղղութեամբ՝ հետեւյալ պատկերն է տալիս. Արցախային, Սյունյաց, Կուճիքի, Քութայի, IV Հայքի, Սպերի և Տայքի, որոնցից առաջին հինգը արաբական խալիֆաթի գերիշխանութեան ներքո գտնվող Հայաստանում, մինչդեռ վերջին երկուսը Բյուզանդական Հայաստանում, որտեղ հայութեան դաւաճմանը քաղկեդոնականութեան ազդեցութեամբ սկսել էր հունանալ և վրացիանալ։

Վրաց պատմիչ Արսեն Սափարացին (IX դ.) իր «Պատմութիւն բաժանման վրաց և Հայոց» երկում նշում է այն փաստը, թե ինչպես ներսես Միջին կոչված կաթողիկոսի գումարած Դվինի ժողովից (554—555 թ. թ.) անմիջապէս հետո՝ «ամբողջ Բարթիլին և Զորրորդ Հայքը հրաժարվեցին հայերից քահանայական ձեռնադրութիւնն առնելուց»³։ Որոհ համապատասխանում է հայ մատենագրութեան մեջ մեզ հասած «Վասն սուրբ ժողովոյն, որ եղեն ի Հայս ի սրբոյն Դրիգորէ սկսեալ» անանուն հեղինակի գրվածքի հետեւյալ տողերին. «Ի ձեռն այսր ժողովոյ Վիրք և Զորրորդ Հայք որոշեցան ի Հայոց ձեռնադրութիւնէն»⁴։

Զորրորդ Հայքի կացութիւնը VIII—IX դ. դ. պատկերելու համար կարևոր է հիշել, որ այն 702 թվից անջատվել էր Բյուզանդական կայսրութիւնից⁵, մտնելով արաբական խալիֆաթի սահմանները։

995 թվին Զորրորդ Հայքում և սահմանակից գավառներում տեղի է ունենում մեծ երկրաշարժ, ինչպես վկայում է Սաեփանոս Տարոնեցին՝ Ասողիկն իր «Պատմութիւն տիեզերական»-ի 111 գրքի 96-րդ գլխում, որ «Յազազս շարժման Զորրորդ Հայոց» վերնագրին է կրում. «Ի նիւթ թուականին շարժեցաւ երկիր. բայց սասակազոյնս աշխարհն Զորրորդ Հայոց, հաշաեանք, Քորձեան, Ծոփք, Բալու և Պաղնատունն»⁶։

¹ Աշխարհացոյց Մովսէսի Քորենացոյ յաւելումով և նախնեաց [հրաւ. Սուքիաս Վ. Սիւկրեան], Վենետիկ, 1881, էջ 30։

² Н. Адонц. Дионисий Фракийский и армянские толкователи. СПб. 1915, стр. 187.

³ Հ. Մելիքեթ-Բեկ. Վրաց աղբյուրները Հայաստանի և հայերի մասին. I, Երևան, 1934, էջ 39։

⁴ Կարապետ Վ., Երեսուղի մի Յովհաննէս եպիսկոպոսի թուղթը առ Արաւ Աղուանից կաթողիկոս, Վաղարշապատ, 1896, էջ 111 հմմտ. Հ. Մելիքեթ-Բեկ, օր. ցմ. I, 57։

⁵ М. В. Левченко. История Византии. Краткий очерк. М—Л. 1940, стр. 118.

⁶ Սաեփանոսի վարդապետի Տարոնեցոյ Ասողկան Պատմութիւն Տիեզերական, աշխատ. Ս. Մալխասյանց, ՍՊԲ. 1883, էջ 203։

* * *

Արարների առաջացումը պատմության ասպարիզում VII դարու կեսից և նրանց անընդհատ պայքարը բյուզանդացիների դեմ՝ Մերձավոր Արևելքին տիրելու նպատակով, որը առաջինների հաղթանակով վերջացավ, ի միջի այլոց, ա՛ն հետևանքը ունեցավ, որ Հայաստանի տիրապետության մեծագույն մասը VII—VIII դ. դ. Խալիֆաթի գերիշխանություն ներքո անցավ:

«Արաբական տիրապետության առաջին շրջանում խալիֆայության կենտրոնը գտնվում էր Դամասկոսում և գերիշխող դեր էին կատարում նոր աշխարհակալ պետության մեջ Ասորիքի արաբները, իսկ երկրորդ շրջանում կենտրոնը դառել էր Եգիպտոսի Կահիրեի քաղաքը և գերակշիռ դեր էին խաղում Իրաքի արաբները և մահմեդականություն ընդունած պարսիկ աղնվականությունը»¹:

Սակայն Բյուզանդիայի և Խալիֆաթի միջև շարունակվող պայքարին ժանակցում էին և հայերը, որոնք քաղաքական պայմանների շնորհիվ երկու մասի բաժանված լինելով՝ դեպի մեկ կամ մյուս դրսի պետությունն էին ձգտում. ուստի և Հայաստանի դրությունը հաճախ երկդիմի էր դառնում: Այսպիսի պայմաններում միանգամայն հասկանալի է, որ Վեֆեկնա (Հայաստանը) հավատարիմ էր մնում խալիֆայության՝ նրան անխնա պատմում էին հույները, իսկ եթե անցնում էր Բյուզանդիայի կողմը՝ վրեժ էին առնում արաբները:

Հայերի քաղմաթիով ապստամբություններից արաբական տիրապետության դեմ համազդային ազատագրական շարժման ընթացք էին կրում 774—775 և 851—852 թ. թ. ապստամբությունները, որոնցից առաջինը նկարագրել է 'Է. Կոնդը, իսկ երկրորդը՝ Թովմա Արծրունին²:

Հայաստանի այլևայլ տեղերում Արդյա Արուստաֆարի օրոք ծագած ապստամբությունները արձապանք էին դառնում Արճեշում, Կարին, Արծնում և այլուր, ինչպես վկայում է 'Է. Կոնդը («Պատմություն») :

Նույն 'Է. Կոնդը («Պատմություն», գլ. 37) միաժամանակ մատնանշում է մի հանգամանք, որը փոքրիշատե թեթևալիք էր համաժողովրդական ծանր լուծու:

«Եւ յետ այսորիկ յաջորդէ զիշխանութիւնն նորա (Արդյայի) Մահմետ Մահադի որդի նորա: Եւ սա էր աղնուական քան զայլ իւր և լատպոյն բարութ: Սբաղ զամենայն տունս զանապոյ որսապետական պահէր ամբարիշտն Արդյա, և բաշխեալ պարսկա զսրաղ իւրոց, Համարձակեալ և զգրուս մարդից հանել զմահառականս ի մահառս իւրեանց և լնուլ զպէտս կարօտելոց, և եղև սոսաւութիւն երկրի, և զիստ արծաթոյ ընդարձակեցաւ, և ընակչաց երկրի անդորրութիւն եղև ի հարկապահանջ բոնութիւնէ. զի թէպէտ և զանուր լծոյ հարկին ծանրացոյց սակայն վասն զիստի արծաթոյն հանդեաւ

¹ Ակուդ Հակոբ Մանանդյան. «Ժողովրդական ապստամբությունները Հայաստանում արաբական տիրապետության դեմ Երևան, 1931, էջ 8:

² Նույն տեղում, էջ 7:

³ Նույնը նաև՝ Համա Հարությունյան. «Պատմության Դավիթ» Լյուբի դարաշրջանը (պատմական աշխատություն). «Պատմության Դավիթ», Երևանյան պետական, Երևան, 1929, էջ 248—250. II Պողոսյան. Պատմական անհարկ «Պատմության Դավիթ» ժողովրդական և սոսի մամուլաշրջանի մասին. «Պատմության Դավիթ» 1900, Երևան, 1931, էջ 193—200:

երկիրս առ փոքր մի ի չար տառապանաց վտանգին. քանզի և լիբինք արծաթոյ յայտնեցան յաշխարհիս Հայոց առ ի հանել ի նոցանց խանութն արծաթոյ զտոյ ի պէսս մարդկան յաւուր ի խանութսան նորա:

Ղևոնդի վկայությունը, գծրախտաբար, չի պարունակում կոնկրետ ցուցմունքներ Հայաստանի այն վայրերի մասին, որանց գտնվելիս են եղել արծաթի հանքեր և որոնք նյութական բարոքության ազդյուն են ծառայել հանքագործների համար, այն ռազմական հանք գործները, որոնց վրա ծանրացել էին արաբական զավթիչների հարվածները:

Սակայն այն, ինչ որ լուսնային է մասնավոր Ղևոնդի մաս, լրացնում է VIII դ. ասորա-հակոբյան տարեգիր Կելծ Դիոնեսիոս Թեբ Մանրացին. որը մանրամասն նկարագրում է Զորքորդ Հայքի Տուախ կոչված վայրում 774—775 թ.թ. ծագած ապստամբությունը, երբ Ռազինը անցավ Արզունով և Մայֆլրկաթով:²

«Արզուն» — «Արզուն»-ը՝ դա, անկասկած, ասորական ման է այն գավառի անվան, որին արաբներենում համապատասխանում է «Արզան» (այսինքն՝ լեզունում «Արձանենն» (Պրոկոպիոս Կեսարացու - - - - -), լատիներենում «Արզանենն» — «Արզանիան» (Ամմիան Մարցելիի մոտ), հայերենում «Արզն-Արզյուն» կամ «Արզն» — «Արզնիք»):³

Ասորական ման է ներկայացնում իրենից և «Մայֆլրկաթ»՝ քաղաքի անունը, որին հայերենում համապատասխանում է «Նփրկերա». այսինքն՝ «Ֆարկին» «Մայֆարկին» կամ Մարտիրոպոլիսը՝ Մարտիրոսաց քաղաքը (Martyropolis), երբեմն Տիգրանակերա (Tigranocerta):⁴

Առանձին ուշագրություն արժանի է Կելծ Դիոնեսիոսի այն ցուցմունքը, որ «այն վայրը, ուր ծագեց ապստամբությունը, գտնվում էր լեռներում, հյուսիսային շրջանում, որ կոչվում էր Տուախ, որի ազգաբնակչությունը բաղկացած էր ասորիներից և ուրարտացիներից, որոնք բաժանած ունեին այդ շրջանը, այսինքն՝ Զորքորդ Հայքը»:

Մենք, գծրախտաբար, զուրկ ենք նշարավորությունից որեւէ բան առնելու Տուախի մասին, քանի որ չգիտենք այդ անվան համանիշները հունական և հայկական ազդյուններում, եւ առավել՝ նրա այս կամ այն կետի հետ ունեցած լուսնիկացիայի մասին:

Համեմատաբար աղելի բարդ է խնդիրը այն ժամանակվա Զորքորդ Հայքի ազգաբնակչության կազմի մասին, որն ըստ Կելծ-Դիոնեսիոսի ասորիներից և ուրարտացիներից է եղել բաղկացած: Սա նշանակում է, որ VIII դարում Զորքորդ Հայքի հայությունն արդեն նստացել էր, գուցե և չբացել էր, մասամբ պաշտելով այլ տեղեր, մասամբ էլ մուսուլման շրջակա ապստամբությունների հետ:

² Պատմության Հանգանք մեծի վարդապետի հայոց, երկրորդ ապստամբություն, ԹԳՐ, 1887, էջ 154—155.

³ Chronique de Denys de Tell Mahre. Quatrième partie. Publiée et traduite par J. B. Chabot Paris, 1890, p.p. 172—176 (208—212).

⁴ H. Gelzer, Georgii Cyprii Descriptio orbis Romani, p. 165. H. Hubschmann Die altarmenischen Ortsnamen, Strassburg, 1901, S. 249—250. Հ. Դիոնեսիոսի հայոց ապստամբությունը, Վիեննա, 1907, էջ 167—168. Ե. Կանայանց, Անտյա գավառներ իր հայատառի, Վաղ. 1910, էջ 17—18.

⁵ Հ. Մանանդյան, Տիգրան Բ, և Հուսիկ, էջ 64—65. Նույնի՝ Պննական ապստամբության ժամանակի պատմություն, I, էջ 170—171 և այլուր, «Khos», VIII, 1908, pp. 197—198.

Անկախ սրանից, ուրտիացիների պրորիեմը հատուկ քննության արժանի է:

Պոսելով ասորական «Վարք Մարութա եպիսկոպոսի» (Վդ.) հուշարձանի մասին, մենք դեռևս 1942 թվին նշել էինք, որ այս վարքը, «անկախ այն հետաքրքրությունից, որ նա գրավում է Մարութա (մար. Ութա) անվան ստուգաբանության կապակցությամբ, հիշատակելի է այն աղբյուրների շարքում, որտեղ խոսվում է օտայեցի, հայերին թարգմանությամբ օտայեցեց երկրի մասին», որտեղից «Օտայ անունը քրմապետ[ն]... էառ իւր ի կնու-թիւն զգուստր ուրումն ի նախարարացն Հայոց՝ Մարիամ կոչեցեալ»¹ «Ա-մենայն կասկածից դուրս է, — գրում էինք մինք նույն տեղում, — որ այս հուշարձանում հիշված օտայեցեց երկիրը ոչ մի կերպ չի կարելի նույնացնել էտիունի-Օտենե Ուտիքի հետ, որ լավ հայտնի է աղբյուրներից, քանի որ այդպիսին կարծվում է Տիգրիսի շրջանում... և, հետևապես, օտայեցիք այս դեպքում ոչ մի առնչություն չունեն ուրտիացիների կամ ուղերի հետ»:

Ընդամենը «այսպիսի ելրակացությունը բխում է, ի միջի այլոց, և այն փաստից, որ Կեղծ Դիոնեսիոս թիւ Մահրացու ժամանակաշրջանի մեջ ուրտիացիք ասորիներէ հետ միասին հիշատակված են իբրև բնակիչներ Տուտիսի շրջանի, որը Չորրորդ Հայքումն էր գտնվում, և որոնք մասնակից էին պարսկական (արաբական) բռնակալների դեմ ծագած ապստամբու-թյան»²:

Ուրտիացիների խնդիրը անկախ Կեղծ-Դիոնեսիոսի տվյալներից, հատուկ քննության է ենթարկված մեծագույն հայագետ, Վիեննայի Մխիթարյան Հակովորոս վ. Տաշյանի կողմից, որը հարուստ պատմական աշխարհագրական տվյալների օգտագործումով հետևյալ եզրակացությունների է հանդել.

«Գէորգ Կիպրացի դիտէ եերկու ժողովուրդ, որոց մին կը կոչուի Ուռ-թեցիք և միւսը Սանասանք», նոյն միջոցին Ասորիք դիտեն և կը յիշեն ճիշտ Հանձիթի մէջ Ուրտիցի ժողովուրդ մը (ասոր. Urtaye, յն. Ὀρταίοι), ուստի «Ուրտ» ժողովուրդ մը, որուն համար բացայայտ կ'ըսուի թէ հայերէնէ և ասորերէնէ բոլորովին տարբեր լեզու մը կը խօսէր տակաւին այն ատեն: Աւելի ուշ ալ՝ ևս աւելի անդին՝ Արաբացիք կը յիշեն Ուռթի մէջ (դորոնք սաւ Թովմ. Արծրունի, Պատմ. Ե., է շատ «խրթին» կը գտնէր և կը համա-րէր «գրեահք Ասորեոց», որոնք Աղբաւմեկայ և Սանասարեայ հետ եկած ըլ-լան, ուստի «Սանասանք» կ'անուանուին են) կը յիշեն «Ուռթեցի» (դրուած «Ուրվայթ. եցի») բարբարոս ժողովուրդ մը՝ բնակած լեռնագագաթի մը մէջ՝ որ կը կոչուէր Էլ-Արբուն, զոր-նէշուտեկէ լաւ ևս կը կարդայ Էլ-Արբայ (=ասոր. Urtaye) Տոմաշեկ («Սանուն և Տիգրիս աղբիւրաց սահմանները» են, թրգմ. Հ. Բաուն. Պիլէդիկեան, Վիեննա, 1896, էջ 12, 28—29 են) միայն տարակուսական կը գտնէ թէ Հանձիթի «արամայեցի» Ուրտեցիք մինչև Տարօն ու Բաղիշու կողմերը կրնային տալածուած ըլլալ ևն: Ինչ ալ ըլլայ Զ., և նաև Ժ. Դարուն կային Ուրտացիք կամ Ուրտացիք՝ ինքնուրոյն լե-զուաւ, զոր չէին հասկընար Հայք և Ասորիք և սորվիլ ստիպուած էին (սմտ. Noldeke-ի, ZDMG, XXXIII, 163 ff.) հետևաբար ոչ հայ էին և ոչ

¹ Լիակատար վարք և վկայաբանութիւնը սբբոց, I, Վենետիկ, 1810, էջ 585—586.

² Л. Меликсет-Бекоев. К истории удин (Utica-Armeniasa) «Труды Тбнл. Гос. Унив.», XXXIII, 1942, стр. 46—47.

արամէացի ցեղով, թէև յետոյ հայացած ու ասորացած, բայց թերևս աւելի բրտացած ըլլան¹։ Զիարդ և է, արդէն Ննսէն այս Ուրտացիք կը կապէր հին Ուրարտուի բնակչաց հետ, զոր Հիւրշման (անդ) «շատ ապահով» կը գտնէ։ Բայց այժմ 'նաև Մարքուարտ² ուղղակի մնացորդ կրսէ հին Ուրարտեանց պետութենէ ետքը ցրուած³։ Հայոց մտնելով՝ նախկին տիրող ժողովրդեան և անունը հետեապէս հին Ուրարտու անուան համաոտում մը Ուրտ-, ինչպէս այս Ասորեստ. «Ուրարաու», Դարեհի բարելական «Ուրաշտու» (ուղղելի Ուրալ-տու) ունի ձևերս ալ, երբ. «Արարատ» էլ (Հերոդ. Գ. 94, է. 79), «Ալտրատ. f» և ի վերջոյ. հայ.՝ Այրարատ։ Այժմ Կարստ (անդ՝ 411) կը վճռէ՝ այս տակաւին ժ. գարու ապրող Ուտայեցիք միայն «սումերեան» ակկատեան ցեղէ կրնան ըլլալ, և այնպիսի տեղ մը (Անձիտ, Սասուն, Խուլթ), ուր Սագասարի զրոյցի ասպարէզն է⁴։

Ի վերջոյ, մնում է նշել և մեկնաբանել մի կարևոր հանգամանք Կեղծ-Դիոնեսիոսի նկարագրութիւնից։

Կեղծ-Դիոնեսիոսի ժամանակագրութեան տվյալների հետ ծանոթանալիս այն կիտում, ուր խոսվում է Զորրորդ Հայրի Տուտիս կոչված վայրի հողագուրկ գյուղացիութեան ծանր տնտեսական դրութեան մասին, որն ավելի ևս բարդանում էր շնորհիվ տեղական «կալվածատերերի հարստահարութիւնների և արարական բռնակալների կեղեքման և հարկապահանջման, որի հետևանքով այդ գյուղացիութիւնը 774—775 թ.թ. ապստամբութեան ուղի էր ընտրել անելանելի դրութիւնից դուրս գալու համար, ակամա հիշում ես նույնպիսի դրութիւնը հանքագործ խալիքների ժամանակից, ասել է՝ գրեթե 1000 տարի նրանից առաջ, որի նկարագրութիւնն ունի Ապոլոն Ռոգոսացու (III դ. նախ քան մեր թ.) Argonautica-ի մեջ (II, 1000—1008), նշելով, որ աշխատավոր խալիքները բնակվելով դաժան և ժայռոտ երկրում՝ զբաղվում են երկաթի մշակումով, հույն հողինակը գրում է. «Նրանք (խալիքները) չեն զբաղված ոչ հողի մշակումով եզների օգնութեամբ, ոչ էլ անուշ պտուղների բուծութեամբ (պտղաբուծութեամբ), և ոչ էլ հոտեր են արծացնում ցողավետ արոտավայրերում, կոտրելով երկաթածին պինդ հողը, նրանք փոխանակում են արգյունահանված երկաթը կենսամթերքների վրա. նրանց համար երբեք չի ծագում արշալույսը առանց նոր աշխատանքի. և մրի ու ածուխի մեջ նրանք կատարում են իրենց ծանր աշխատանքը»։

* * *

Զորրորդ Հայրի Տուտիս վայրում 774—775 թ.թ. տեղի ունեցած դեպքերի նկարագրութիւնը մենք բերում ենք Կեղծ-Դիոնեսիոս Թել-Մահրա-

¹ Հիւրշման. «Հին Հայոց տեղւոյ անունները», էջ 54—56 կիշէ Տեյլօրի յիշատակած Բալիկի ցեղէ են, Ծանոթ. Տաշյանի։

² J. Marquart. Armenische Streifen, «Յուշարձան» էջ 291—302. Ծանոթ. Տաշյանի։

³ Հ. Յ. Տաշյան. Հին Հայաստանի արևմտյան սահմանը Փոքր Հայք և Կողոպենէ (Սելասաիա). «Հանդէս ամսօրեայ» 1940, թիւ 1—6, էջ 4—5։

⁴ В. Латышев Scythica et Caucasica, I. 413—414 հմտ. II, 204 (Ապոլոնի մեկնիչը) նաև «Вестник древней истории», 1947 г., № 3, стр. 281, 289։

ցու «Ժամանակագրության» հիման վրա, որ երկիցս հրատարակել է Ֆրանսիացի արեևելագետ J. B. Chabot-ն.¹

«Ժամանակագրության» բնագիրը, որը սխալմամբ ասորական հակոբիկ պատրիարք Դիոնեսիոս Թեղ Մահրացուն էր վերագրվում և այս պատճառով հեղձ Դիոնեսիոսի անունով հռչակվեց Chronicon anonymum pseudo-Dionysianum vulgo dictum), իսկապես մեղ չի հասել, այլ նրա փոխարեն առկա է անանուն ժամանակագրությունը, որ իրոք Ջուկնինի վանքի մի ո՞ր վանականին է պատկանում. կազմված պիտի լինի հունական տոմարի 1086 թվին, այսինքն՝ մեր թվականության 775 թվին:²

774—775 թ.թ. ապստամբության նկարագրությունը մենք բերում ենք մեր թարգմանությունից՝ համաձայն J. B. Chabot ի առաջին հրատարակության (1895 թ.):³

P. 172 [208]... Երբ խղճուկները տեսան, որ այս րացահայտ թալանը չի գաղարում, որ [այս հարկահավաքները] չունենին ոչ ամոթ և ոչ երկյուղ աստծուց, որ բոլոր թշվառությունների նախապատճառը հաշիվ չէր պահանջում նրանցից այն շարագործությունների մասին, որ նրանք շարունակ կատարում էին երկրում, ապստամբեցին: Մենք տալիս էինք,—ասում էին նրանք,—և մեղ և մեր հարևանների համար. մենք վճարում էինք մեր հարկը և նույնիսկ այն, որ մենք չպիտի մուծեինք: Ախր երբ պիտի կշտանան նրանք մեր մտով: Մենք այլևս ոչինչ չենք տա, քանի որ չգիտենք՝ ձրտեղից վերցնենք, որպեսզի տանք:

Երբ կուսակալը այս լսեց, նա խփեց բռունցքով, կրճատեց և ատամներով և՛ նմանվելով առյուծին՝ արյան ծարավ դդաց: Նա (կուսակալը) հաճաքեց նրանց (խղճուկներին՝ Ա.Մ.Ք.) դեմ քաղաքի բոլոր ոճրագործներին և մարդասպաններին: Նա ուղարկեց իր տեղակալին հանդերձ հանցադորձ և արյունածարավ մարդկանցով, երկրի մեծամեծներով և դարչելի ու անպոթ գյուղացիներով: Վերջինս (տեղակալը) կազմեց համադյուղացիներից մի բաղամամարդ զորք, զինված նիզակներով և պարսատիկներով. և գնաց նրանց դեմ: Բյուզանդները իրենց կողմից մեծ մասսա պատճառեցին բոլոր մարդասպաններին և զոհերին, որոնք նրանց միջև էին դրնվում, և նրանց հարադատներին այնպիսի չարիք հասցրին, որ լեզուն ի վիճակի չէ այն նկարագրելու:

Իսկ այն տեղը, որտեղ խռովություն առաջացավ, գտնվում էր լիոններում. հյուսիսային շրջանում: Այն կոչվում էր Տուտիս: Ժողովուրդը բաղկացած էր ասորիներից և ուրտիացիներից, որոնք բաժանած ունեին իրար միջև այս շրջանը, այսինքն IV Հայքը:

P. 173. Այս իսկ շրջանում գտնվում էր մի վայր, որտեղ արդյունահանվում էր կապար, արծաթ և այլ երկաթահանքանյութ: Մեծ աղետը, որը տարածվել էր ամբողջ այս երկրում, պատճառ եղավ նրա, որ մարդիկ

¹ Chronique de Denys de Tell Mahre. Quatrième partie, Publiée et traduite par J. B. Chabot [«Bibliothèque de l'École des Hautes Études», fasc. 112]. Paris, 1895. Chronicon anonymum pseudo-Dionysianum vulgo dictum, ed. J. B. Chabot [«Corpus scriptorum christianorum orientalium», Scriptores syri. Series tertia, t. II], Paris, 1983.

² Н. В. Пигулевская. Византизм и Иран на рубеже VI и VII веков. М.-Л. 1916, стр. 43—44.

³ Chronique de Denys de Tell Mahre etc, pp. 172—175 (բառ ասորական ձեռագրի 208—212).

այսպիսի մեծ քանակությամբ հավաքվել էին այնտեղ. որտեղ գտնվում էր կապարը, որ այդ շրջանը բնագործակ ճամբար դարձավ և որ թագավորը այնտեղ կուսակալ էր նշանակել։ Ամեն տեղից մարդիկ գալիս էին այս շրջան և փորում էին մեծ և խորը հորեր պողպատ որոնելու նպատակով։

[109] Իսկ գյուղացիական զորքը ուղղվեց այնտեղ. որը մենք նշեցինք։ Ձորականները ուղեցին այն ռազմատուգանքի ենթարկելու Սակայն պարսկական (մահմեդական, Լ. Մ. Բ.) կուսակալները շուրջին համաձայնվելու ենք (գյուղացիներին, Լ. Մ. Բ.) մեծամասնությունը, — ասում էին նրանք, — ձեր երկրիցն են, նրանք են հարկերի վճարողները։ Բայց նրանց համոզելը միանգամայն անհնարին էր. նրանք սկսեցին կատաղությամբ պատրաստվել կռվի և կոզոպտելու այն ամենը, ինչ որ հակառակորդին էր պատկանում։ Պարսիկները (մահմեդականները, Լ. Մ. Բ.) հրամայեցին նրանց, որոնք ճամբարում էին դաշնվում, պատրաստվել կռվի և չթողնել հակառակորդին իրենց մոտ, որպեսզի ոչնչացման չենթարկվեն... Իսկ երբ կռվը, որը ճամբարին չէր պատկանում, հարձակվեց նրանց վրա և սկսեց նրանց կռառել։ Կապարի հանքերում աշխատողները փախուստի գիմեցին՝ հակառակորդի սրից ազատվելու համար։ Քանի որ գետնը ձմեռ էր, ձյունը հաստ շերտով ծածկել էր այս վայրը, սառույցը նույնիսկ ծածկել էր հորերի բերանները, որ ճանաչել չէր կարելի՝ հալած ձյունով լցված լինելու պատճառով։ Փախուստի միջոցին շատերը թափվում էին այդ հորերի մեջ, և նրանց մեծամասնությունը խեղդվում էր և կործանվում նրանց խորքում։ Շատերը կործանվեցին նաև սրից. թշնամին չէր խնայում նրանց և կոզոպտում էր նրանց, ինչպես և ամբողջ ճամբարը։

[110] Հապա Երեմիա մարգարեն դա և ասե... [Քրիստոնյաները P. 174 չէին խնայում նույնիսկ իրենց ընկերներին, որոնք խեղվեցին] կամ ապանվեցին, և հորերից նրանց հանեցին հողին հանձնելու համար։ Իսկ եթե պատահականորեն նրանցից որե՛ մեկին գուրս էին հանում, նրանից հագուստը հանում էին և թողնում էին մերկ՝ փոսի բերանի մոտ։

Բնչ վիրաբերում է այն ազատին, որ նրանք հասցրին այս երկրին, որա մասին ավելի լավ է չխոսելու նախ, այն պատճառով. որ գուցե ոչ ոք մեզ չհավաստ, թե ինչպիսի նենգություն ցուցաբերեցին նրանք, այն էլ երկյուղից. որպեսզի հեթանոսները չիմանան որա մասին և չասեն, որ քրիստոնյաները աստծուց չեն վախում, քանի որ նրանց վարժունքը մոգերի վարժունքից վատթար եղավ։ Սակայն, որպեսզի ուրիշները ծանոթանան այն պատճառների հետ, որոնք մեզ այս ազատները հասցրին, որպեսզի մեր պործիրը տեսնողները զգույշ լինեն և նաև նշիլու համար աստծո գթասրտությունը, որը համբարատար ասնում է մեր հանդգնությունը և մեր բազմաթիվ նենգ արարքները, մենք սրա մասին մի փոքր կպատմենք։

Այսպես ուրիմն նրանք շարժվեցին խղճուկների գետ, և մեծ ձյան շնորհիվ, որը ծածկել էր հողը, վերջինները ի վիճակի չէին փախչելու։ Իսկ եթե այդ նրանց հաջողվում էր, հետամտողները վրա էին հաս-

նուս և ձյունի մեջ գցում թե նրանց և թե նրանց դույքը, կանանց և երեխաներին: Հալածվողները դողում էին, ընդունելով, շնորհիվ դաժան ցրաի, աղի անկենդան դիակներ դույն, իսկ հալածողները՝ չխնայելով նրանց՝ մերկացնում էին տղամարդկանց, կանանց և երեխաներին, գցելով նրանց մերկ՝ առանց հագուստի և կոշիկների: Նրանք (հալածողները, Լ. Մ.-Բ.) նույնիսկ հանում էին նրանցից (հալածվողներից, Լ. Մ.-Բ.) վարտիկները, չվախելով մերկացնել նրանց սեռական [օրգանները]: Նրանք (հալածողները, Լ. Մ.-Բ.) անամոթ կերպով բռնաբարում էին կանանց և դուստրներին՝ դուստրների և կանանց ներկայությամբ: Նրանց գլուխ կանգնած անդամը կարգադրեց, որ որեւէ մեկի կողմից հափշտակվածը իրեն է պատկանում: Այնպես որ՝ թե իսքը անգամը և թե նրա հետ միացած ավագանները կարող էին կատարել և բավարարել իրենց մոլեգին և ագահ իդեները:

Երեւոյացիները և նրանց պարագլուխները ավելի անողորմ երևա-
 [211] ցին, քան հեթանոսները և ոչ մի կարեկցություն չցուցաբերեցին հանդեպ իրենց եղբայրների, նենգորեն վերաբերվելով դեպի ամենքից հարգված անձնավորությունները: Այս ավաղակապետները ոչնչացրին մարդկանց տնտեսութեան բոլոր առարկաները. այրեցին ամբողջ փայտեղենը, ջարդեցին կավե բոլոր ամանները, զավթելով պղնձե և երկաթե բոլոր իրեղենները, նրանք չխնայեցին ոչ անկողին, ոչ դռներ, ոչ անոթներ, ոչ լազաններ, ենթարկելով այն ևս հրի: Նրանք փշրեցին սափորները, գինու ամանները, կաթսաները, կուժերը, խմելով այս անոթներից որքան կարելի էր, հապա մնացածը նրանք ամբողջովին թափում էին հողի վրա: Իսկ եթե ամանը հողումն էր թաղված և հնարավոր չէր այն կոտրել, նրանցից մեկը՝ վերցնելով նիղակը՝ տակը ծակում էր և գինին թափվում էր հողի մեջ: Նույնը նրանք կատարեցին և մեղրի նկատմամբ. ուտում էին որքան կարող էին, իսկ մնացածը գետնի վրա էին թափում: Նրանք ջարդեցին մեղվափեթակները և թափեցին այն դեպի ջուրը, ուստի և բոլոր մեղունները կոտորվեցին: Նրանք համարձակություն ունեցան կատարել այս՝ սատանայի զրդմամբ, որը նրանց գծագրեց ուղին, որի շնորհիվ նրանք իրենց միջև եղած հեթանոսներից վատթար եղան: Նրանք համարձակվում էին ուտել միս և պանիր սուրբ պահոց օրերին և կատարեցին բազում այլ անօրեն գործեր: Այնպես որ, երբ մեղ լուր հասավ նրա մասին, թե ինչ կատարեցին նրանք իրենց հարազատների հետ, մենք մեծ վշտի մեջ ընկանք, սկսեցինք լալ և մեծ անհանգստություն զգացինք, տեսնելով թե որ աստիճանի կարող է սատանան գայթակղեցնել մարդկանց:

Նրանք համարձակվեցին նույնիսկ ոտնձգություն անել եկեղեցու նկատմամբ, որը նրանք կողապտեցին: Նրանք հափշտակեցին եկեղեցական գրքերը և աստվածապաշտութեան բոլոր իրեղենները: Իսկ որ նրանք իրենց կանանց փակել էին եկեղեցում, հեթանոսները հենց իրենք ներս էին խուժում այնտեղ և բռնաբարում կանանց տաճարների մեջ: Եվ ահա այստեղ պետք է լալ Եւեմիայի հետ միասին և ասել...

[212] Նկարագրված աղետները տեղի ունեցան այս վայրում: Նրանք քչե-

ցին կանանց, որոնք մարդասպանների պես շղթայված էին, հավաքեցին ամբողջ տավար-ոչխարը և հետը տարան: Նրանք այսպիսով անդան ըաղմաթիվ դուղերով, քշելով գուղագրիներին, կողոպտելով և իրենց հետ տանելով բնակիչներին:

Ինչպիսիք անցավ Արդունով և Մայֆերկաթով և՛ տեսնելով այս քաղաքների կուսակալների ավաղակարար զորքերը՝ դատապարտեց նրանց մեծ կոտորածների և անգութ տանջանքների, այնպես որ նրանք որդերից կրծոտվեցին և այնպես մեռան, ինչպես կալանդներով կոտորատում էր նրանց ձեռները և ոտները ու խլեց նրանցից նրանց բոլոր կողոպտածը:

Աստված հանձնեց նրանց այս անողորմ անգղամի ձեռքը, և նրանց կատարած բոլոր զարհուլիությունները իրենց իսկ վրա դարձան: Սրանց մասին ասում էին, որ նրանք բռնում էին փողոցներում անմորուս երիտասարդներին և ընտրաբարում նրանց: Անաստված դրադիրները և դրամափոխները, չնայած որ քրիստոնյաներ էին, հարկադրում էին բռնել և իրենց մոտ բերել ինչպես զեռանա քրիորդներին ժողովրդից, նույնպես և աղնվատոհմ անձանց դուստրներին, և բռնաբարում էին նրանց...

Եվ այսպես նա՝ նկատելով նրանց վատ գործերը՝ հրամայեց բերել իր մոտ, ծակոտուղ ուղները և ուղտերի պես դսպել: Նա ծակոտելով նրանց ճակատները, վրան տախտակներ կախելով, տվեց նրանց շղթաներով կապելու, որ և քարշ պիտի տային իրենց ետևից...

... Ապա նրանց հանձնում էին ծառայի, որը ծաղրի առարկա էր դարձնում նրանց՝ քաղաքի հրապարակի վրա, որից հետո նրանց բանտը գցեցին: Նա հացը տալիս էր նրանց այն քանակով, որ բավական լիներ նրանց գոյութունը պահպանելու համար: Նրանց բանտարկութեան տուն տեղերից նեխման հոտ էր ելնում՝ գերեղմանի դարչահոտութունից էլ վատթար:

Եվ այս փաստերից մի քանիսը ես նշեցի նրա համար, որպեսզի վարչապետները, ծանոթանալով սրանց հետ, վարվեն [ժողովրդի հետ] ըստ խղճի, չմոռանալով աստծուն: Որպեսզի նրանք չվարվեն կամայականորեն՝ ազնվութեան հակառակ, գիտենալով, որ կա օրենք նույնիսկ նրանց համար, ովքեր օրենք են հրատարակում, և որպեսզի նրանք հասկանան, որ սանձարձակորեն վարվող իշխանավորը արագորեն կորցնում է իշխանի կոչումը, որը նրան փառք է հասցնում, և ստանում է բռնակալի կոչում, որ լի է խելառութեամբ և որը սկիզբն է լինում խելագարութեան...

Л. М. Мелнксет-Бек

К истории крестьянского восстания в IV Армении в 774—775 г. г.

Р е з ю м е

Коснувшись деления Армении первых веков до и после н. э. на большую и малую—согласно анонимной армянской „Географии“ VII века, приписывавшейся Моисею Хоренскому, а Малой Армении

в свою очередь, на 4 кантона—согласно XXXI новелле императора Юстиниана II от 536 г. и „Истории Армении“ Монсея Хоренского (I, 14), автор настоящей статьи, оперируя данными „Descriptio orbis Romani“ Георгия Кипрского от IV века и вышеупомянутой „Географии“ VII века (как теперь полагают, Анании Ширакского), пытается выяснить картину административного деления и этнического состава г. н. IV Армении, отпавшей в 702 г. от Византийской империи.

Путем сопоставления затем данных из „Истории халифов“ армянского историка VIII века Гевонда или Леонтия (гл. 37) о народных восстаниях в Армении 774—775 г. г. с аналогичными сведениями, содержащимися в анонимной сирийской „Хронике“ от 775 г., известной обычно под именем Хроники псевдо-Дионисия (Chronicon apocryphum pseudo Dionysianum vulgo dictum), по имени сиро-яковитского патриарха Дионисия Тель-Махрейского, о крестьянских восстаниях в те же годы в местности Тутис, что в IV Армении, населенной сирийцами и уртийцами (отдаленными потомками ур[ар]тийцев?), в статье дается попытка изложения одного из эпизодов классовой борьбы в условиях феодализма на территории IV Армении во 2-й половине VIII века.

Это-ярко выраженное крестьянское восстание, вызванное тяжелыми условиями малоземелья и безземелья в одном из горно-скалистых районов Армении, известном богатыми залежами руд, которые местные жители-крестьяне добывали с применением самых отсталых и примитивных технических способов для обмена на жизненные припасы, при жесточайшей (и двойной) эксплуатации со стороны как местных землевладельцев собственников, так и органов государственной власти (арабского халифата?), сумевших в конечном счете подавить это восстание.

К статье прилагается перевод описания обстоятельств и картины восстания 774—775 г. г., сохраненного в сирийской „Хронике“ псевдо-Дионисия Тель-Махрейского (как теперь полагают, вышедшего из-под пера некоего монаха Зукнинского монастыря), от 1086 г. греческого счисления или 775 г. н. э., согласно публикации французского ориенталиста. J. B. Chabot, ссылку на которую читатель найдет в соответствующих подстрочных примечаниях данной статьи.